

Uz 65. godišnjicu Bitke na Sutjesci

Pokrpati pokidano

U subotu je obilježeno šezdeset pet godina od veličanstvene Bitke na Sutjesci. Tamo i tada je ostalo 7.500 mrtvih boraca i starješina, a više od dvije trećine bilo je mlade od 25 godina.

Na proslavi, sakupili su se živi borci koji su na svojim plećima iznijeli tu tešku bitku. Ali došli su i mladi iz BiH, Slovenije, Srbije, Hrvatske i Crne Gore da odaju počast poginulim djedovima, bakama, stričevima, ali i da, kako reče delegat iz Slovenije, pokrpuju ono što je politička mafija pokidala. Među onima koji su do-

je aktivna u SABNOR-u BiH, ali kad se govori o Bici na Sutjesci, svaki put joj u oku zablista suza.

Priča Hazima Mešića je sasvim drugačija. On je u partizane otišao iz rodnih Živinic gdje i danas živi i borio se na Sutjesci. Bio je u Drugoj krajiškoj brigadi, a komandant mu je bio Drago Stanić, koga se i danas sa poštovanjem sjeća. Ovaj kršni borac je preživio Sutjesku, dočekaoslobodjenje, a onda od 1946. bio u pratećem bataljonu Josipa Broza Tita. Na proslavu je došao, kako kaže, i star i umoran, ali htio je da pokaže da ideja antifašiz-



Bio na Sutjesci, pratio Tita: Hazim Mešić

šli odati počast borcima za slobodu, bio je i profesor Smail Čekić, istoričar, direktor Instituta za istraživanje ratnih zločina koji kaže:

– Velika mi je čast što sam ovdje danas kada se obilježava 65 godina jedne od najvećih bitaka Drugog svjetskog rata, kada razmišljam kao istoričar moram da kažem da su postojale dvije velike bitke koje su predstavljale prekretnicu u Drugom svjetskom ratu, jedna je Bitka na Sutjesci, gdje su Nijemci izgubili bitku za koju su bili sigurni da je dobijena i druga je Staljingradska bitka gdje je počeo njihov definitivni sunovrat.

Nada Biser-Taso se borila u partizanskim redovima i preživjela Sutjesku, poslije je postala profesor i izvela generacije studenata u Sarajevu. Oduvijek

zma nije mrtva i da se današnja mladost ne smije prepasti neizvjesne budućnosti kakva se danas čini. Moraju se izboriti za život kakav žele, mi smo to učinili i na Sutjesci, iako se činilo nemogućim.

Veliki glumac, prvak saraevskog Narodnog pozorišta Vladimir Jokanović je govorio tekst po izboru Gradimira Gogera, tu su bili zastupljeni tekstovi Krleže, Sarajlića, Alića... a o tom svom nastupu kaže:

–Ja potičem iz antifašističke porodice, stric mi je bio vijećnik AVNOJ-a i naravno u ovom času stojeći na ovome svetom brdu pun sam emocija. Radujem se što još uvijek ima ljudi koji su učestvovali u toj bici i koji su mogli doći, ali i što su došli mladi ljudi...

N. IDRIZOVIĆ

Vlada RS-a formirala tijelo za analizu ugovora sa Strabagom



Dug put do autoceste u Banjoj Luci

Za čist cestovni račun

Ugovor se odnosi mrežu autocesta u manjem entitetu

Vlada Republike Srpske (RS) formirala je jučer ministarsku skupinu, koja će zajedno sa prethodno formiranom radnom grupom, predstavnicima konzultantske kuće Deloitte i predstavnicima Strabaga obaviti dodatne konsultacije i još jednom analizirati pojedine aspekte ugovora o koncesiji za izgradnju mreže autocesta, saopćeno je iz biroa Vlade za odnose sa javnošću.

Detalji

U saopćenju se navodi da značaj i obim ovog ugovora zahtijeva da se prije njegovog potpisivanja i konačne realizacije precizno definišu svi detalji.

Vlada RS-a odlučila je 13. juna da Narodnoj skupštini RS-a

uputi prijedlog ugovora sa austrijskom tvrtkom Strabag o koncesiji za izgradnju mreže autocesta, kako bi parlament dao određene zaključke prije nego što ugovor bude potpisan.

“Ugovor o koncesiji predviđa da Strabag do kraja godine ponudi finansijsku konstrukciju i ukoliko ga Vlada prihvati, stupit će na snagu. Nije moguće drugačije, jer za ove dionice ne postoje nikakva polazna dokumenta i potrebno je uraditi nove analize i planiranja, te na bazi toga utvrditi na koji način je to moguće uraditi”, rekao je premijer RS-a Milorad Dodik nakon sjednice Vlade održane 13. juna. On je istakao da je na sjednici finaliziran ugovor i da je Vlada dala podršku njegovim osnovnim elementima.

“Ovo je kompleksna materija, jedan od najvažnijih projekata koji radimo u ovom periodu, i opredijeljeni smo da imamo sve čiste detalje oko toga. Zato promatramo čitavu dionicu kao jedan projekt i za njega u cijelosti očekujemo definiranu ponudu. Nemoguće je da se dionice odvajaju i jedna radi, a druga ne, već će se raditi sve”, naveo je Dodik.

Jedan projekat

On je podsjetio da se ugovor odnosi na pet cestovnih pravaca, i to nastavak brze ceste od Banje Luke prema Kupresu, autocestu od Novog Grada preko Prijedora do Doboja i dalje prema Jakešu, Bijeljini i rijeci Drini.

Ceh pridruživanja EU platit će agrar

Srpska radikalna stranka (SRS) Republike Srpske (RS) smatra da će “prvi ceh pridruživanja BiH EU platiti domaći proizvođači i agrarni kompleks”. U saopćenju ove stranke se navodi da je realno očekivati da će na kraju ove godine vanjskotrgovinski deficit BiH iz, kako tvrde, faze užasavajućih preći u fazu katastrofalnih pokazatelja. Radikali navode da je BiH zemlja pod protektoratom EU sa kojom i potpisuje Sporazum

o stabilizaciji i pridruživanju i u kojoj se, kako tvrde, jedan entitet nalazi pred bankrotom, a drugi pod diktaturom. “BiH je zemlja sa izuzetno visokim stepenom siromaštva i još većim stepenom korupcije i kriminala, zemlja u kojoj izvršna vlast ne poštuje odluke sudske vlasti, u kojoj su ugrožena elementarna ljudska prava i slobode i u kojoj su mediji direktno kontrolirani od vladajućih centara političke moći”, navodi SRS RS-a.

IN MEMORIAM

Miris majkine dušice

Kad se hoću sjetiti nekom riječju dr. Enesa Hasanagića, onda mi se čini da je svaka riječ slaba. Toliko je bio jak, uvjerljiv, argumentiran, upečatljiv. Govorio je malo, ali je činio mnogo. Kao čovjek, istraživač, liječnik, posebno na području alternativne medicine. Stotine pa i hiljade je ljudi i danas mu zahvalno za lijek koji im je produžio život. Naravno kad se radilo o jetrama, cirozi, bakteriji ešerihija koli... Sve ono što je učinio, a to je golemo, počeo je skupljati ponaj-

prije susretom s čuvenim dr. Jovanom Tucakovom, potom na školama po svijetu, gdje je vrijedno skupljao znanje, pa u svojim magisterijima i doktoratima. Bio je specijalist toksikolog, dr. hemije i magistar medicine. Godinama je stručno, odmjerenom i argumentirano ocjenjivao radnu sposobnost bosanske radničke klase i poštene inteligencije.

Uvijek je poštivao nauku i vrijedno joj se davao i izučavao, ali je i narodno pamćenje vješito i na dobrobit svih rado ko-



ristio i u svojim knjigama i u radu s pacijentima. Njegova knjiga “Ljekovito bilje i jetra” jedna je od najčitanijih iz oblasti tzv. alternativne medicine. Bio je pristalica starogrčke filozofije i uvijek je ponavljao njihovu sentencu: ničega previše.

Znao je, pa zato i preporučivao: živi sretno, da bi živio dugo. Njeguj duh svoj da bi tijelo imalo kad da živi. Ne treba čovjek odricati se ljudskog, govorio je, pozivajući se na njemačkog filozofa Foerjebaha i njegovu: Ništa ljudsko nije mi strano! Nije mu ni bilo. Imao je noći i dane za slušanje tuđih nevolja, priča, tegoba. Za sebe je crpio neko rezervno vrijeme.

Čuvene su njegove šetnje po Vrelu Bosne, Igmanu i ostalim bosanskim planinama. Tamo se sretao s cvijećem i ljekovitim biljem. S njima je postupao kao s ljudima: nježno, pažljivo, obazrivo, poštujući mu cvijet, lisnu, korijen, stabljiku. Opijao ga je miris majkine dušice. O tome je

mgao, da je samo htio, pjesme pisati. Zato mu je stil u rukopisima i objavljenim knjigama bio raskošan, urešen duhom naučnog ali i narodnog pravorijeka. Dugo je surađivao i u izdanjima naše kuće, a u Oslobođenju su ostale upečatljive njegove rubrike o alternativnom liječenju, koje je ispisivao godinama. Mi koji smo imali sreću drugovati bar povremeno s njim, pamtit ćemo ga kao čovjeka golema srca, hedonistu koji je uvijek nalazio vremena za druge, ali i za svoju znatljivo istraživačku i liječničku, ponajprije dušu. Njegova sada, vjerujem, luta osunčanim prostranstvima neba...

Ramo KOLAR